

ԱՐՁԱՆԱԳՐՈՒԹՅՈՒՆ N 3/4.2-3-25

ՀՀ էկոնոմիկայի նախարարության զբոսաշրջության կոմիտեի
նախագահի 2025 թվականի հունվարի 9-ի N1-Ա հրամանով ստեղծված
մրցութային հանձնաժողովի նիստի

2025թ. հունիսի 12-ին տեղի ունեցավ Հայաստանի Հանրապետության էկոնոմիկայի նախարարի 2024 թվականի դեկտեմբերի 23-ի «2025 թվականի «Աջակցություն զբոսաշրջության զարգացմանը» ծրագիրը, 2025 թվականի ծրագրի իրականացման միջոցառումների ժամանակացույցը և ծրագրի իրականացման միջոցառումների ծախսերի նախահաշիվը հաստատելու մասին» N3037-Ա հրամանի 1-ին կետի 2-րդ ենթակետով հաստատված **2025 թվականի «Աջակցություն զբոսաշրջության զարգացմանը» ծրագրի** (այսուհետ՝ Ծրագիր) հավելված 2-ի 4.2 կետով նախատեսված **«Աջակցություն զբոսաշրջային այցելավայրերի կառավարման կազմակերպությունների (DMO-ների) գործունեությանը»** միջոցառման իրականացումն ապահովելու նպատակով ՀՀ էկոնոմիկայի նախարարության զբոսաշրջության կոմիտեի նախագահի 2025 թվականի հունվարի 9-ի N1-Ա հրամանով ստեղծված մրցութային հանձնաժողովի (այսուհետ՝ Հանձնաժողով) նիստը:

Նիստին մասնակցում էին՝

Ա.Մկրտչյան	- ՀՀ էկոնոմիկայի նախարարության զբոսաշրջության կոմիտեի զբոսաշրջության քաղաքականության վարչության պետ, Հանձնաժողովի նախագահ
Դ.Կարապետյան	- ՀՀ էկոնոմիկայի նախարարության զբոսաշրջության կոմիտեի մարքեթինգի և խթանման վարչության պետ
Ա.Բաբայան	- ՀՀ էկոնոմիկայի նախարարության զբոսաշրջության կոմիտեի միջազգային համագործակցության վարչության պետի տեղակալ
Լ.Բասմաչյան	- ՀՀ էկոնոմիկայի նախարարության զբոսաշրջության կոմիտեի մարքեթինգի և խթանման վարչության խորհրդական
Ա.Ոսկանյան	- ՀՀ էկոնոմիկայի նախարարության զբոսաշրջության կոմիտեի մարքեթինգի և խթանման վարչության խորհրդական
Զ.Հայրապետյան	- ՀՀ էկոնոմիկայի նախարարության զբոսաշրջության կոմիտեի զբոսաշրջության քաղաքականության վարչության գլխավոր մասնագետ
Շ.Հովսեփյան	- ՀՀ էկոնոմիկայի նախարարության զբոսաշրջության կոմիտեի զբոսաշրջության քաղաքականության վարչության պետի տեղակալ, Հանձնաժողովի քարտուղար

Քվորումն ապահովված է:

Լսեցին՝

Հանձնաժողովի նիստի օրակարգի մասին:

Որոշեցին՝

Հաստատել Հանձնաժողովի նիստի հետևյալ օրակարգը.

- Մրցույթի արդյունքների վերջնական ամփոփում:

Լսեցին՝

Առաջարկ՝ 2025 թվականի մայիսի 21-ին կայացած նիստի N2/4.2-3-25 արձանագրությամբ՝

թվով 2 (երկու) կազմակերպության՝ «Լոռու տարածաշրջանի զբոսաշրջության կառավարման գրասենյակ» ՀԿ-ի և «Տավուշի մարզի տուրիզմի զարգացման գործակալություն» ՀԿ-ի կողմից ներկայացված հայտերում առկա որոշակի տեխնիկական խնդիրների շտկման և վերանայման վերաբերյալ:

Մասնավորապես.

• «Լոռու տարածաշրջանի զբոսաշրջության կառավարման գրասենյակ» ՀԿ-ին՝

վերանայել ֆինանսական նախահաշվի 2.3 կետով (այցելավայր ժամանած զբոսաշրջիկների շրջանում գոհունակության զեկույցի պատրաստում, ներկայացում շահագրգիռ կողմերին) 40000 դրամ պահանջվող գումարի նպատակահարմարությունը: Մինչույն ժամանակ շտկել ֆինանսականի նկարագրության մեջ առկա վրիպակը՝ գործադիր տնօրենի աշխատավարձը նշված է 7 ամիս, սակայն ծրագրի տևողությունը 6 ամիս է, իսկ պահանջվող գումարի հաշվարկը ներկայացված է ճիշտ ($6 \times 80000 = 480000$):

• «Տավուշի մարզի տուրիզմի զարգացման գործակալություն» ՀԿ-ին՝

- Հրավերի 2.4 կետի 5-րդ ենթակետին համապատասխան ներկայացված տեղեկատվությունը տրամադրել ստորագրությամբ

- շտկել ֆինանսական նախահաշվի 2.4 կետը՝ հաշվի առնելով, որ Տավուշի մարզի մասին պատմող լուսանկարներ տողում միավորի քանակը նշված է 100 հատ, իսկ միավորի արժեքը՝ 100 000 ՀՀ դրամ, պահանջվող գումարը նույնպես նշված է 100000 դրամ:

Նշվեց, որ

Ծրագրի հավելված 2-ի 4.2 կետով նախատեսված «Աջակցություն զբոսաշրջային այցելավայրերի կառավարման կազմակերպությունների (DMO-ների) գործունեությանը» միջոցառման իրականացման նպատակով հայտարարված մրցույթի արդյունքում «Լոռու տարածաշրջանի զբոսաշրջության կառավարման գրասենյակ» ՀԿ-ի և «Տավուշի մարզի տուրիզմի զարգացման գործակալություն» ՀԿ-ի կողմից ներկայացված հայտերը համապատասխանում են մրցույթի հրավերով սահմանված չափորոշիչներին և կազմակերպությունները հաղթող են ճանաչվել, սակայն ներկայացված փաստաթղթերում առկա են որոշակի տեխնիկական խնդիրներ, որոնք ենթակա են վերանայման և շտկման:

Կազմակերպությունները, ընդունելով մրցութային հանձնաժողովի առաջարկը՝ մրցութային հանձնաժողովի քարտուղարի պաշտոնական էլեկտրոնային հասցեին ուղարկել են պահանջվող փաստաթղթերի շտկված տարբերակները (առկա են էլեկտրոնային տարբերակները):

Մասնավորապես.

• «Լոռու տարածաշրջանի զբոսաշրջության կառավարման գրասենյակ» ՀԿ-ն շտկել և տրամադրել է ներկայացված ֆինանսական առաջարկը,

• «Տավուշի մարզի տուրիզմի զարգացման գործակալություն» ՀԿ-ն տրամադրել է Հրավերի 2.4 կետի 5-րդ ենթակետին համապատասխան ներկայացված տեղեկատվության ստորագրությամբ տարբերակը և շտկված ֆինանսական առաջարկը:

Կայացավ քննարկում, որի արդյունքում Հանձնաժողովի անդամները, ուսումնասիրելով կազմակերպության կողմից ներկայացված ֆինանսական նախահաշիվը, հայտնեցին դիրքորոշում, որ կազմակերպությունից պահանջված փաստաթղթերը ներկայացվել են պատշաճ և ժամանակին:

**Կայացավ քննարկում, որի արդյունքում
Հանձնաժողովը միաձայն որոշեց՝**

1. **Կնքել** համապատասխան դրամաշնորհի պայմանագիր Ծրագրի հավելված 2-ի 4.2 կետով նախատեսված **«Աջակցություն զբոսաշրջային այցելավայրերի կառավարման կազմակերպությունների (DMO-ների) գործունեությանը»** միջոցառման իրականացման համար հայտարարված մրցույթի արդյունքում հաղթող ճանաչված 2 (երկու) կազմակերպությունների հետ՝

• **«Լոռու տարածաշրջանի զբոսաշրջության կառավարման գրասենյակ» ՀԿ-ի** հետ՝ **2,778,000** (երկու միլիոն յոթ հարյուր յոթանասունութ հազար) ՀՀ դրամ (առանց ԱԱՀ) գումարի չափով,

• **«Տավուշի մարզի տուրիզմի զարգացման գործակալություն» ՀԿ-ի** հետ՝ **3,000,000** (երեք միլիոն չորս հազար) ՀՀ դրամ (առանց ԱԱՀ) գումարի չափով,

2. Հանձնաժողովի որոշումը ներկայացնել զբոսաշրջության կոմիտեի նախագահի հաստատմանը:

Ա.Մկրտչյան
(Հանձնաժողովի նախագահ)

-




Դ.Կարապետյան

-




Ա.Բաբայան

-




Լ.Բասմաջյան

-




Ա.Ոսկանյան

-



Ջ.Հայրապետյան

-



Շ.Հովսեփյան

-

